

Z cyklu: Òdjimczy słowã – 41 (Marija je na nôostatniészëch nogach)

Marija je na nôostatniészëch nogach  
Pò sta krzëków, zapùrtolonégò cësna w noc  
Dzeczëska sã ùceszã z darënków  
Zapòchnie danuchna lasowò...

Józef tabaczacë: jo, jo  
To ni ma placu dlò žëda  
Bez szczëpianiô nie wpùszczã  
Nawetkã do chlëwka...

Pùlczì ze sledzã z biedronczì  
Merichristmasë w radio zaglingòcã  
Zeza rutów szandara dlò pòRZĄDKÙ  
Rechùje wilijnëch gòscy...

Jakã pòlskã kòlãdã zaskrzeczã  
Pòtómia sã òpłòtkama żòlu  
Spòd larwów zamùrmòcã,  
Co sami bë chcelë...

Z drëdżi stronë gòdòwi kùglë  
Krziz rzucy groznã cëniã  
Na Tegò, co prawie le sã  
Zatchnã lëfcëskã òchëbë...

Leno grzëbnò zupa  
Je jak wiedno pò kaszëbskù:  
Gwiòzdkòwò...

Tómk Fópka, Chwaszczëno, 23 gòdnika 2021 rokù, gòdz. 4.26 p.p.